



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj:02-011-497 /'02
Sarajevo, 12.06.2002.god.

ZAPISNIK

**18. sjednice Doma naroda Parlamentarne skupštine Bosne i Hercegovine,
održane 27. maja 2002.godine**

Sjednica je počela sa radom u 10,05 sati.

Sjednicom je predsjedavao Nikola Špirić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 15 delegata.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon diskusije u kojoj su učestvovali: Šefik Džaferović, Sejfidin Tokić, Ibrahim Spahić, Momčilo Novaković, Ivo Divković, Nikola Špirić i Halid Genjac usvojen je sljedeći

DNEVNI RED

1. Odgovori na delegatska pitanja i delegatska pitanja
2. Zapisnik sa 17. sjednice Doma naroda Parlamentarne skupštine BiH
3. Imenovanje delegata Doma naroda za članove Zajedničke komisije oba doma za postizanje sporazuma o istovjetnom tekstu:
 - a) Zakona o upravnom postupku
 - b) Zakona o upravnim sporovima
4. Izvještaj Komisije Kolegija o usaglašavanju amandmana na Zakon o državnoj upravi
5. Izjašnjenje Doma naroda o razmatranju po članu 99. Poslovnika Doma naroda Zakona o izmjenama i dopunama Zakona o Carinskoj tarifi Bosne i Hercegovine - predlagač delegat Jerko Ivanković
6. Izjašnjenje Doma naroda o razmatranju po članu 99. Poslovnika Doma naroda Zakona o izmjenama i dopunama Zakona o Centralnoj banci – predlagač Predsjedništvo BiH
7. Izjašnjenje Doma naroda o razmatranju po članu 99. Poslovnika Doma naroda Zakona o osiguranju depozita Bosne i Hercegovine – predlagač Vijeće ministara
8. Zakon o Agenciji za informacije i zaštitu Bosne i Hercegovine - predlagač Predsjedništvo BiH (drugo čitanje)

9. Davanje saglasnosti za ratifikaciju ugovora za razvojni kreditni sporazum (Projekat za privatni sektor) između Bosne i Hercegovine/ Republika Srpska i Međunarodne asocijacije za razvoj (IDA) – predlagač Predsjedništvo BiH
10. Davanje saglasnosti za ratifikaciju Sporazuma između Bosne i Hercegovine i Savezne Republike Jugoslavije o unapređenju i zaštiti investicija – predlagač Predsjedništvo BiH
11. Davanje saglasnosti za ratifikaciju na akt isprave o pristupu BiH Statutu Vijeća Evrope – predlagač Predsjedništvo BiH
12. Finansijski izvještaj Centralne banke Bosne i Hercegovine sa 31.12.2001.godine - Centralna banka BiH
13. Godišnji izvještaj Centralne banke Bosne i Hercegovine za 2001.godine- Centralna banka BiH
14. Operativni plan ispunjavanja obaveza povodom prijema BiH u Vijeće Evrope
15. Izvještaj o izvršenju Budžeta Predsjedništva BiH za 2001.godinu - predlagač Predsjedništvo BiH
16. Izvještaj o poslovanju Kancelarije za reviziju finansijskog poslovanja institucija BiH za 2001.godinu – Kancelarija za reviziju
17. Izjašnjenje Doma naroda o razmatranju po članu 100. Poslovnika Doma naroda Zakona o sukobu interesa u institucijama Bosne i Hercegovine – predlagač delegat Nikola Špirić

Ad-1: Odgovori na delagatska pitanja i delegatska pitanja.

Odgovor na delegatsko pitanje je dobio delegat Halid Genjac.
Delegat Halid Genjac nije zadovoljan datim odgovorom.

Delegatska pitanja su postavili,

Delegat Ivo Divković

Sa kojim državama smo pred potpisivanjem ugovora o dvojnomo državljanstvu, sa kojim zemljama postoje neusaglašenosti o dvojnomo državljanstvu i koje su to neusaglašenosti.

Delegat Ibrahim Spahić

1. Molim Vijeće ministara i Predsjedništvo da dostave informaciju o radu kongresa dijaspore na kojem su sudjelovali predsjedavajući Predsjedništva Beriz Belkić i Ministar inostranih poslova Zlatko Lagumdžija.
2. Molim ministarstvo onostranih poslova da nas obavjeste o kvalifikaciji kadrova koji rade u DKP BiH u svijetu u ambasadama BiH na realizaciji ekonomske diplomacije kao i da nas informiše koje su rezultate ostvarili

Delegat Momčilo Novaković

1. Kada će delegati iz reda srpskog naroda dobiti kancelariju za svoj rad, s obzirom da jedino komisija na čijem je čelu srbin nema kancelarije za rad, a kancelarija gosp. Špirića je kancelarija predsjedavajućeg doma?
2. Na kom nivou je dogovoreno da akt o prijemu u Vijeće Evrope potpiše ministar inostranih poslova, a ne predsjedavajući Vijeće ministara?

Delegat Sejfudin Tokić

Da li je tačna informacija da ministri i zamjenici ministara obavljaju i sljedeće funkcije i to Azra Hadžiahmetović, ministar za vanjsku trgovinu i ekonomske odnose funkciju guvernera Svjetske banke, Nikola Kragulj, zamjenik ministra za vanjsku trgovinu i ekonomske odnose, funkciju guvernera Evropske banke za obnovu i razvoj, Ante Domazet, ministar za trezor institucija BiH funkciju guvernera MMF za BiH.

Ako je informacija istinita da li Vijeće ministara cijeni da su te funkcije inkopatabilne sa postojećim? Kolike su naknade navedenih za rad u okviru međunarodnih institucija?

Ad-2: Zapisnik 17. sjednice Doma naroda Parlamentarne skupštine Bosne i Hercegovine.

Jednoglasno je usvojen zapisnik 17. sjednice Doma naroda Parlamentarne skupštine Bosne i Hercegovine.

Ad-3: Imenovanje delegata Doma naroda za članove Zajedničke komisije oba doma za postizanje sporazuma o istovjetnom tekstu:

- a) Zakona o upravnom postupku
- b) Zakona o upravnim sporovima

Dom naroda je za članove Komisije za postizanje sporazuma o istovjetnom tekstu Zakona o upravnom postupku, imenovao sljedeće delegate: Dragutin Rodić, Šefik Džaferović i Ivo Živković.

Dom naroda je za članove Komisije za postizanje sporazuma o istovjetnom tekstu Zakona o upravnim sporovima, imenovao sljedeće delegate: Halid Genjac, Jerko Ivanković i Momčilo Novaković.

Ad-4: Izvještaj Komisije Kolegija o usaglašavanju amandmana na Zakon o državnoj upravi

Komisija je postigla saglasnost, dva amandmana Momčila Novakovića su postali sastavni dio Zakona. Dom naroda je većinom glasova usvojio Zakon. Sljedeći amandmani su postali sastavni dio Zakona:

Amandman I

Naziv Zakona se mijenja i glasi « Zakon o upravi »

Amandman II

Član 1. mijenja se i glasi:

«Ovim zakonom uređuje se organizacija uprave Bosne i Hercegovine u pogledu položaja, uloge, ustrojstva, ovlaštenja i obaveza organa uprave i druga pitanja od značaja za organizaciju i rad tih organa i vršenju poslova uprave.»

Ad-5: Izjašnjenje Doma naroda o razmatranju po članu 99. Poslovnika Doma naroda Zakona o izmjenama i dopunama Zakona o Carinskoj tarifi Bosne i Hercegovine - predlagač delegat Jerko Ivanković

Nakon diskusije u kojoj je učestvovao delegat Jerko Ivanković Dom naroda je prihvatio da se Zakon o izmjenama i dopunama Zakona o Carinskoj tarifi Bosne i Hercegovine razmatra po članu 99. Poslovnika Doma naroda.

Ad-6: Izjašnjenje Doma naroda o razmatranju po članu 99. Poslovnika Doma naroda Zakona o izmjenama i dopunama Zakona o Centralnoj banci – predlagač Predsjedništvo BiH

U raspravi niko nije učestvovao.

Dom naroda je jednoglasno je prihvatio da se Zakon razmatra po članu 99. Poslovnika Doma naroda.

Ad-7: Izjašnjenje Doma naroda o razmatranju po članu 99. Poslovnika Doma naroda Zakona o osiguranju depozita Bosne i Hercegovine – predlagač Vijeće ministara

U raspravi su učestvovali Nikola Špirić i Goran Turjačanin
Dom naroda je prihvatio da se Zakon razmatra po članu 99. Poslovnika Doma naroda.

Ad-8: Zakon o Agenciji za informacije i zaštitu Bosne i Hercegovine - predlagač Predsjedništvo BiH (drugo čitanje)

U raspravi su učestvovali: Sejfudin Tokić, Ibrahim Spahić, Niko Sušac, Nikola Špirić, Ivo Divković, Šefik Džaferović i Goran Turjačanin.

Delegat Sejfudin Tokić je dao primjedbu da se amandmani koje je podnio nisu vrednovali na isti način kao drugi amandmani jer se o njima nije očitovala Ustavno-pravna komisija. Komisija se nije očitovala iz razloga što nije imala kvorum budući da sjednici nisu prisustvovali delegati iz reda srpskog naroda. Imajući ovo u vidu delegat Sejfudin Tokić smatra da je došlo do povrede Poslovnika Doma naroda, te je u skladu sa članom 66.2. Poslovnika Doma naroda zatražio da se njegova primjedba unese u Zapisnik.

Amandmane na Zakon su podnjeli delegati Sejfudin Tokić i Goran Turjačanin.

Svi amandmani su odbijeni.

Nakon rasprave o amandmanima Dom naroda je većinom glasova usvojio Zakona o Agenciji za informacije i zaštitu Bosne i Hercegovine.

Ad-9: Davanje saglasnosti za ratifikaciju ugovora za razvojni kreditni sporazum (Projekat za privatni sektor) između Bosne i Hercegovine/ Republika Srpska i Međunarodne asocijacije za razvoj (IDA) – predlagač Predsjedništvo BiH

Rasprava nije vođena.

Dom naroda je jednoglasno dao saglasnost za ratifikaciju ovog ugovora.

Ad- 10. Davanje saglasnosti za ratifikaciju Sporazuma između Bosne i Hercegovine i Savezne Republike Jugoslavije o unapređenju i zaštiti investicija –predlagač Predsjedništvo BiH

Rasprava nije vođena.

Dom naroda je jednoglasno dao saglasnost za ratifikaciju ovog Sporazuma.

Ad- 11. Davanje saglasnosti za ratifikaciju na akt isprave o pristupu BiH Statutu Vijeća Evrope –predlagač Predsjedništvo BiH

Rasprava nije vođena.

Dom naroda je jednoglasno dao saglasnost za ratifikaciju akta isprave o pristupu BiH Statutu Vijeća Evrope.

Ad-12. Finansijski izvještaj Centralne banke Bosne i Hercegovine sa 31.12.2001.godine - Centralna banka BiH

U Raspravi je učestvovao delegat Halid Genjac.

Dom naroda je većinom glasova usvojio Finansijski izvještaj Centralne banke Bosne i Hercegovine sa 31.12.2001.godine.

**Ad-13. Godišnji izvještaj Centralne banke Bosne i Hercegovine za 2001. godine-
Centralna banka BiH**

Rasprava nije vođena.

Dom naroda je jednoglasno usvojio Godišnji izvještaj Centralne banke Bosne i Hercegovine za 2001. godinu.

Ad-14. Operativni plan ispunjavanja obaveza povodom prijema BiH u Vijeće Evrope

Rasprava nije vođena.

Dom naroda je jednoglasno usvojio Operativni plan ispunjavanja obaveza povodom prijema BiH u Vijeće Evrope.

Ad-15. Izvještaj o izvršenju Budžeta Predsjedništva BiH za 2001. godinu

Rasprava nije vođena.

Dom naroda je jednoglasno usvojio izvještaj o izvršenju Budžeta Predsjedništva BiH za 2001. godinu.

Ad-16. Izvještaj o poslovanju Kancelarije za reviziju finansijskog poslovanja institucija BiH za 2001. godinu – Kancelarija za reviziju

Rasprava nije vođena.

Dom naroda je jednoglasno usvojio Izvještaj o poslovanju Kancelarije za reviziju finansijskog poslovanja institucija BiH za 2001. godinu

Ad-17. Izjašnjenje Doma naroda o razmatranju po članu 100. Poslovnika Doma naroda Zakona o sukobu interesa u institucijama Bosne i Hercegovine – predlagač delagat Nikola Špirić

S obzirom da u raspravi niko nije učestvovao, glasalo se o zahtjevu da se Zakon razmatra po članu 100. Poslovnika Doma naroda.

Dom naroda je jednoglasno prihvatio zahtjev da se Zakon razmatra po članu 100. Poslovnika Doma naroda.

Nakon glasanja o zahtjevu Zakon je jednoglasno usvojen.

Sjednica je završena u 16,45 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
dr. Nikola Špirić